



ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՈՒՐԱՅԻ ԵՎ ՍԴՈՐՏԻ ՊԵՏԱԿԱՆ ԻՆՍՏԻՏՈՒՏ» ՀԻՄՆԱԴՐԱՄԻ ԵՎ «ԱՊԱԳԱ ԶԻՆՎՈՐ» ՌԱԶՄԱՀԱՅՐԵՆԱՍԻՐԱԿԱՆ ԴՊՐՈՑ ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ ՄԻՋԵՎ

Հաշվի առնելով, որ Կողմերն ընդունում են պատանիների և երիտասարդների ռազմահայրենասիրական կրթության և դաստիարակության նշանակությունը,

Ձգտելով զարգացնել համագործակցությունը որակյալ մասնագետների պատրաստման և ռազմահայրենասիրական գաղափարների տարածման միջոցով,

Կարևորելով հետաքրքրության բարձրացումը ռազմահայրենասիրական դաստիարակության նկատմամբ, ինչպես նաև դրա իրականացման համար գրավիչ պայմանների ստեղծումը,

Ընդունելով Կողմերի պատրաստակամությունը կրթական, մարզական միջոցառումների համատեղ իրականացման համատեքստում,

Հիմք ընդունելով սույն հուշագիրը և փոխադարձ պայմանավորվածությունները,

Կողմերը համաձայնեցին հետևյալի շուրջ՝

1. Համագործակցության նպատակը

Սույն հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

2. Համագործակցության ուղղությունները

Սույն հուշագրով «Հայաստանի ֆիզիկական կուլտուրայի և սպորտի պետական ինստիտուտ» հիմնադրամը (այսուհետ՝ Ինստիտուտ) և «Ապագա զինվոր» ռազմահայրենասիրական դպրոց հասարակական կազմակերպությունը (այսուհետ՝ «Ապագա զինվոր») պատրաստակամ են.

- 2.1 պարբերաբար միմյանց տեղեկացնել և համատեղ քննարկել ընդհանուր հետաքրքրություն ներկայացնող հարցեր, որոնք թույլ կտան զարգացնել մատաղ սերնդի ներկայացուցիչների՝ պատանիների և երիտասարդների, ռազմահայրենասիրական դաստիարակությունը, դրա տարածվածությունը և կարևորությունը
- 2.2 փոխադարձ աջակցության ցուցաբերել ռազմահայրենասիրական և կրթամարզական միջոցառումների կազմակերպման և իրականացման համատեքստում
- 2.3 ուսանողների և դպրոցի սաների մասնակցության ակտիվության խթանման նպատակով տեղեկատվական միջոցառումներ կազմակերպել, ստեղծել մասնակցության նպաստավոր պայմաններ
- 2.4 Կողմերը երկուստեք պատրաստակամ են նաև.
- 2.4.1 համագործակցել նորարարական, դրամաշնորհային ծրագրերի համատեղ իրականացման շուրջ
- 2.4.2. օգտագործել Ինստիտուտի տարածքները (այդ թվում նաև՝ արհեստական ժայռամագլցման պատը) «Ապագա զինվոր»-ի սաների պրակտիկ դասերի իրականացման համար
- 2.4.3 ներգրավել «Ապագա զինվոր»-ի մասնագետներն Ինստիտուտի ուսանողների (հրաձգային) մարզումների անցկացման նպատակով.
- 2.4.4 համագործակցել Կողմերի գործունեությանն առնչվող համապատասխան նյութերի հրատարակման գործում
- 2.4.5 համագործակցել երկկողմանի հետաքրքրություն ներկայացնող ուսումնակրթական բնույթի ծրագրերի մշակման և իրականացման շուրջ
- 2.4.6 համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցել և ստանալ
- 2.4.7 ներգրավել «Ապագա զինվոր»-ի մասնագետներին Ինստիտուտի կրթական ծրագրերի մշակման աշխատանքներում
- 2.4.9 սույն Հուշագրի գործողության շրջանակներում Կողմերի գործառույթների կատարման համար, ըստ աշխատանքային անհրաժեշտության, համագործակցել Կողմերի տարածքների, գույքի օգտագործման շուրջ:

3. Համագործակցության սկզբունքները

Կողմերը սույն Հուշագրի սահմաններում իրենց գործառույթներն իրականացնում են օրինականության, փոխօգնության, փոխադարձ հարգանքի և վստահության, համագործակցության սկզբունքներով:

4. Եզրափակիչ դրույթներ

- 4.1 Սույն Հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:
- 4.2 Սույն Հուշագրի լրացումներն ու փոփոխությունները համարվում են Հուշագրի անբաժանելի մասը:
- 4.3 Սույն Հուշագիրը չի առաջացնում ֆինանսական պարտավորություններ Կողմերի համար: Սույն Հուշագիրը մտադրությունների մասին համաձայնություն է, ինչը պարունակում և հաստատում է Կողմերի համագործակցելու ցանկությունը և պատրաստակամությունը: Միաժամանակ Կողմերը ընկալում և հաստատում են, որ սույն Հուշագրի դրույթները չունեն Կողմերի համար պարտադիր իրավաբանական ուժ:
- 4.4 Յուրաքանչյուր Կողմ կարող է միակողմանիորեն խզել Հուշագիրը՝ այդ մասին մեկ ամիս առաջ տեղյակ պահելով մյուս կողմին:
- 4.5 Սույն Հուշագիրը կնքվել է Երևան քաղաքում, 2025 թ. ---ին:
- 4.6 Սույն հուշագիրը ուժի մեջ է մտնում ստորագրման պահից և գործում անժամկետ:

Կողմերի վավերապայմանները և ստորագրությունները

Ինստիտուտ

«Հայաստանի ֆիզիկական կուլտուրայի
և սպորտի պետական ինստիտուտ»
հիմնադրամ

ՀՀ, ք. Երևան, Ալեք Մանուկյան 11

Ինստիտուտ՝ Տիգրան Սիմոնյան
ստորագրություն, Կ.Տ.



Ապագա զինվոր

«Ապագա զինվոր»
ռազմահայրենասիրական դպրոց
հասարակական կազմակերպություն

ՀՀ, ք. Երևան, Արտաշիսյան 102

Նախագահ՝ Սամսոն Մուրադյան

ստորագրություն, Կ.Տ.

